



Broj: 02-04-1150/21

Datum, 29.11.2021. godine

ZAPISNIK **sa 11. redovne sjednice 7. saziva Općinskog vijeća Doboj Istok**

Jedanaesta redovna sjednica 7. saziva Općinskog vijeća održana je dana 24.11.2021. godine u zgradi općine Doboj Istok u Klokotnici sa početkom u 11,00 sati.

PRISUTNI: 14 vijećnika, Kemal Bratić, općinski načelnik, Omer Hadžić, sekretar općine, Abdulah Hrnjičić, ovlašteno lice da zamjenjuje pomoćnika općinskog načelnika za prostorno uređenje, Samir Mujkić, ovlašteno lice da zamjenjuje pomoćnika općinskog načelnika za poduzetništvo i finansije, Lejla Ragibović Hadžić, općinski pravobranilac, te predstavnik RTV TK.

ODSUTNI: Osman Đonlagić, predsjednik kluba vijećnika NiP, Omer Konjić, vijećnik SDA i Haris Sinanović, vijećnik SDP.

Sjednicu je otvorio i vodio predsjedavajući Općinskog vijeća, Selmin Karić.

Selmin Karić, predsjedavajući Općinskog vijeća: „ Uvaženi načelniče sa saradnicima, kolege i kolegice vijećnici, pravobranioče, predstavnici medija esalamu alejkum i dobar dan. Otvaram 11. redovnu sjednicu 7. saziva Općinskog vijeća Doboj Istok. Molim tehničkog sekretara da utvrdi broj prisutnih na današnjoj sjednici. Znači, prisutno je 14 vijećnika.“

USVAJANJE ZAPISNIKA SA PRETHODNIH SJEDNICA OPĆINSKOG VIJEĆA

Selmin Karić, predsjedavajući Općinskog vijeća: „ Dobili ste zapisnik sa prethodne sjednice. Ima li neko primjedbu? Nema. Ko je za usvajanje zapisnika?

Glasanje: ZA – 14, PROTIV – 0, UZDRŽANIH – 0

S obzirom da su vijećnici Emira Karić, Senada Džanić, Haris Sinanović, Adis Halilović i Kemal Skopljak napustili prethodnu sjednicu, a nisu se vratili u razumnom roku, bili su dužni dostaviti pismeno objašnjenje vezano za napuštanje sjednice. Obzirom da nisu to dostavili vjerovatno su prihvatili činjenicu da je to neopravdan izostanak. Međutim Općinsko vijeće se mora svakako izjasniti o tome i ja dajem na izjašnjavanje ko smatra da su navedeni vijećnici neopravdano napustili sjednicu?“

Emira Karić, predsjednica kluba vijećnika SDP: „Poštovani načelniče, poštovani vijećnici, prisutni gosti selamim i pozdravljam sve. Šta znači član Poslovnika koji ste upravo definisali? Šta znači u razumnom roku? Mi smo napustili sjednicu povodom jedne tačke dnevnog reda. Smatrali smo da će ta tačka biti oko 20 – 30 minuta i mi smo se vratili u tom razumnom roku, ali sjednica je bila završena.“

Selmin Karić, predsjedavajući Općinskog vijeća: „ Znači vi se niste vratili do kraja sjednice i to je sasvim jasno. Ja dajem na izjašnjanje. Ko je smatra da su ovi vijećnici neopravdano napustili sjednicu?“

Glasanje: ZA – 9.

Konstatujem da su vijećnici Emira Karić, Senada Džanić, Haris Sinanović, Adis Halilović i Kemal Skopljak neopravdano napustili prethodnu sjednicu.“

VIJEĆNIČKA PITANJA

Selmin Karić, predsjedavajući Općinskog vijeća: „ Ima li neko pripremljeno vijećničko pitanje? Nema. “

USVAJANJE DNEVNOG REDA

Selmin Karić, predsjedavajući Općinskog vijeća: „ Dobili ste prijedlog za proširenje dnevnog reda: U skladu sa planom 56. Poslovnika o radu Općinskog vijeća Doboj Istok predlažem da se na dnevni red Općinskog vijeća stavi sljedeća tačka:

Razmatranje i usvajanje prijedloga Odluke kojom se utvrđuje da je od javnog interesa rekonstrukcija raskrsnice na cesti M-4, dionica 009 Doboj - Donja Orahovica km 7 + 950 (zaseok Kapak) u Klokotnici

Obrazloženje:

Razlog za proširenje dnevnog reda je što je u toku građevinska sezona i treba što hitnije da se rješava urbanističko-građevinska dokumentacija za rekonstrukciju raskrsnice u zaseoku Kapak, MZ Klokotnica.

Ima li potrebe za dodatna pojašnjenja? Nema. Ko je za da se ova tačka uvrsti na dnevni red?

Glasanje: ZA – 14, PROTIV – 0, SUZDRŽANIH – 0.

Predlažem za ovu sjednicu sljedeći dnevni red:

- 1. Razmatranje i usvajanje prijedloga Odluke o zamjeni nekretnina,*
- 2. Razmatranje i usvajanje Nacrta Budžeta općine Doboj Istok za 2022. godinu*
- 3. Razmatranje i usvajanje Nacrta Odluke o izvršenju Budžeta općine Doboj Istok za 2022. godinu*
- 4. Razmatranje i usvajanje Informacije o izvršenju budžeta općine Doboj Istok za period januar –septembar 2021. godine*
- 5. Razmatranje zahtjeva za davanje saglasnosti na Pravilnik o radu i unutrašnjoj organizaciji Zajedničkog pravobranilaštva općina Čelić i Doboj Istok,*
- 6. Razmatranje i usvajanje prijedloga Odluke kojom se utvrđuje da je od javnog interesa rekonstrukcija raskrsnice na cesti M-4, dionica 009 Doboj - Donja Orahovica km 7 + 950 (zaseok Kapak) u Klokotnici.*

Ko je za ovakav dnevni red?

Glasanje: ZA – 14, PROTIV – 0, SUZDRŽANIH – 0.

REALIZACIJA DNEVNOG REDA

1. Razmatranje i usvajanje prijedloga Odluke o zamjeni nekretnina.

Selmin Karić, predsjedavajući Općinskog vijeća: „Tačku dajem na diskusiju. Ima li prijavljenih? Nema. Ko je za usvajanje ove tačke?“

Glasanje: ZA – 14, PROTIV – 0, SUZDRŽANIH – 0.

2. Razmatranje i usvajanje Nacrta Budžeta općine Doboj Istok za 2022. godinu

Selmin Karić, predsjedavajući Općinskog vijeća: „Tačku dajem na diskusiju. Ima li prijavljenih? Nema. Komisija za budžet, finansije, privredu i dijasporu je na svom sastanku razmatrala ovu tačku. Nacrt Budžeta općine Doboj Istok za 2022. godinu je planiran u iznosu 4.339.867 KM na prihodovnoj strani, odnosno 4.281.201 KM na rashodima sa 58.666 KM viška prihoda nad rashodima. Taj višak je planiran zbog toga što je izvršenje budžeta za prethodnu 2020. godinu bilo u deficitu za ovaj iznos i preporuka je da se u narednom budžetu predvidi višak u tom iznosu. Uzimajući u obzir izvršenje budžeta za januar – septembar 2021. godine, projekciju poreskih prihoda sa viših nivoa i Strateški plan lokalnog razvoja 2021-2027. godina Komisija smatra da su ispunjeni svi preduslovi da ovaj nacrt ide u javnu raspravu na osnovu čega će se raditi prijedlog Budžeta općine Doboj Istok za 2022. godinu.

Ima li prijavljenih? Nema. Ko je za usvajanje ove tačke?“

Glasanje: ZA – 9, PROTIV – 0, SUZDRŽANIH – 5

Tačka je dobila potrebnu većinu.“

3. Razmatranje i usvajanje Nacrta Odluke o izvršenju Budžeta općine Doboj Istok za 2022. godinu

Selmin Karić, predsjedavajući Općinskog vijeća: „Tačku dajem na diskusiju. Ima li prijavljenih? Nema. Ko je za?“

Glasanje: ZA – 14, PROTIV – 0, SUZDRŽANIH – 0

4. Razmatranje i usvajanje Informacije o izvršenju budžeta općine Doboj Istok za period januar – septembar 2021. godine

Selmin Karić, predsjedavajući Općinskog vijeća: „Tačku dajem na diskusiju. Ima li prijavljenih? Nema. Prema ovom dokumentu, Informaciji o izvršenju budžeta općine Doboj Istok za period januar – septembar 2021. godine može se vidjeti da je ukupno izvršenje na prihodima pratilo plan sa 75,04 % (bila je greška u materijalu koji ste dobili) odnosno odnosno 2.754.423 KM, a na rashodima je 63%, odnosno 2.314.474 KM i to je za 12% manje od plana. Vidimo da je iskazan višak prihoda nad rashodima u iznosu od 439.948 KM, a to je znak da se domaćinski odnosilo prema budžetu. Međutim na pojedinim ekonomskim pozicijama bilo je nekakvih većih odstupanja kao što su prihodi od direktnih poreza, odnosno porez na dohodak fizičkih lica od nesamostalnih djelatnosti gdje je izvršenje 123,66 %, znači skoro 48% je veće od plana, a takođe na indirektnim porezima je 84,34 %, odnosno 9,34% je veći od plana što je izuzetno dobro, jer ovi prihodi kao što znamo predstavljaju, odnosno učestvuju sa najvećim procentom u budžetu oko 30%. Rashodi na platama su pratili plan sa 70% izvršenja, kao i svi ostali tekući rashodi

osim onih koji su vezani za određene kapitalne investicije gdje imamo nekakva određena odstupanja. Obzirom da je ostvaren višak prihoda nad rashodima u iznosu od 439.948,80 KM i na osnovu svih ovih pokazatelja trebalo bi ići u pravcu rebalansa budžeta u narednom periodu, ali vidjet ćemo kako će se u narednom periodu realizovati budžet. Imamo vremena do naredne sjednice i načelnik će sam procijeniti da li će trebati ići u rebalans.

Ima li još prijavljenih? Nema. Ko je za usvajanje informacije?

Glasanje: ZA – 9, PROTIV – 5, SUZDRŽANIH – 0

Konstatujem da je Informacija je dobila potrebnu većinu.“

5. Razmatranje zahtjeva za davanje saglasnosti na Pravilnik o radu i unutrašnjoj organizaciji Zajedničkog pravobranilaštva općina Čelić i Doboj Istok

Selmin Karić, predsjedavajući Općinskog vijeća: „Tačku dajem na diskusiju. Ima li prijavljenih?“

Refik Šuvalić, vijećnik SDA: „Gospodine predsjedavajući, načelniče, uvažene kolegice i kolege, ostali gosti, obzirom da sam predsjednik Komisije za lokalnu samoupravu, statut i propise i da je Komisija razmatrala Pravilnik o radu i unutrašnjoj organizaciji Zajedničkog pravobranilaštva općina Čelić i Doboj Istok i isti je jednoglasno podržala, jer smo u ranijem periodu vidjeli značaj pravobranioaca vezano za davanje određenog mišljenja i rješavanje određenih sporova i samim tim smatramo da treba prihvatiti u predloženom tekstu.“

Selmin Karić, predsjedavajući Općinskog vijeća: „Ima li još prijavljenih? Nema. Ko je za usvajanje ove tačke, odnosno davanje saglasnosti?“

Glasanje: ZA – 14, PROTIV – 0, SUZDRŽANIH – 0

6. Razmatranje i usvajanje prijedloga Odluke kojom se utvrđuje da je od javnog interesa rekonstrukcija raskrsnice na cesti M-4, dionica 009 Doboj - Donja Orahovica km 7 + 950 (zaseok Kapak) u Klokotnici.

Selmin Karić, predsjedavajući Općinskog vijeća: „Tačku dajem na diskusiju. Ima li prijavljenih? Nema. Ko je za?“

Glasanje: ZA – 14, PROTIV – 0, SUZDRŽANIH – 0

Ovim smo iscrpili dnevni red. Zahvaljujem vam se na prisustvu i zaključujem današnju sjednicu.“

Sjednica je završena u 11,20 sati.

ZAPISNIČAR
Behara Hadžić

SEKRETAR OPĆINE
Omer Hadžić

PREDSJEDAVAJUĆI
OPĆINSKOG VIJEĆA
Selmin Karić

Službena zabilješka:

Zapisnik je usvojen na 12. redovnoj sjednici Općinskog vijeća Doboj Istok održanoj dana 30.12.2021. godine.

U Klokotnici, dana 30.12.2021. godine

*Zabilješku sačinio
Omer Hadžić, sekretar Općine*